



Broj: 150-15-4-933- 6 /21 SAK
Sarajevo, 18.05 2021. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU

o izboru najpovoljnijeg ponuđača u postupku javne nabavke usluge iznajmljivanja licenci za grafičku obradu

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluge iznajmljivanja licenci za grafičku obradu, putem otvorenog postupka, na period od tri godine, dodjeljuje ponuđaču QSS d.o.o. Sarajevo, u svemu prema Ponudi broj: 19/21 od 26. aprila 2021. godine i Izvještaju o toku i završetku e - aukcije.

Član 2.

Prema Izvještaju o toku i završetku e-aukcije ponuda ponuđača iz člana 1. ove odluke, glasi na iznos od:

7.139,00 KM bez uračunatog PDV-a
(slovima: sedamhiljadastotinutridesetdevet konvertibilnih maraka i 00/100)

odnosno

8.352,63 KM sa uračunatim PDV-om
(slovima: osamhiljadatristotinepedesetdvije konvertibilne marke i 63/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljem tekstu: Odjeljenje za informacione tehnologije).

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za javne nabavke, Odjeljenje za informacione tehnologije i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

O b r a z l o ž e n j e

Postupak javne nabavke usluge iznajmljivanja licenci za grafičku obradu, putem otvorenog postupka, pokrenut je Odlukom o pokretanju postupka, broj: 150-15-4-933-2/21 SM od 30. marta 2021. godine. U skladu s tim, sačinjena je tenderska dokumentacija i Centralna banka je 15. aprila 2021. godine na portalu Javnih nabavki objavila Obavještenje o nabavci broj: 1370-1-2-219-3-129/21.

U predviđenom roku za prijem ponuda, odnosno do 04. maja 2021. godine blagovremeno su dostavljene ponude ponuđača:

1. QSS d.o.o. Sarajevo;
2. Digitarija d.o.o. Sarajevo;
3. ASPO RAIL d.o.o. Sarajevo i
4. Logosoft d.o.o. Sarajevo.

Komisija za provođenje postupka javne nabavke je izvršila pregled i ocjenu ponuda i konstatovala da ponuda ponuđača Digitarija d.o.o. Sarajevo ne ispunjava sve uslove tražene tenderskom dokumentacijom. Ponuđač nije popunio u cjelosti Nacrt ugovora – Aneks 6, što je traženo uslovima tenderske dokumentacije na stranici 10. pod tačkom h) – „h) Nacrt ugovora – koji je sastavni dio TD, popunjen, ovjeren i potpisan od strane ponuđača - Aneks 6“ i u poglavlju 13. - „Sastavni dio ove tenderske dokumentacije je Nacrt ugovora, u koji su uneseni osnovni elementi. Ponuđači su dužni uz ponudu dostaviti popunjen, ovjeren i potpisan nacrt ugovora na mjestu predviđenom za potpis istog.“ Ponude ponuđača QSS d.o.o. Sarajevo, ASPO RAIL d.o.o. Sarajevo i Logosoft d.o.o. Sarajevo zadovoljavaju sve uslove tražene tenderskom dokumentacijom. E-aukcija sa kvalificiranim ponuđačim je zakazana za 10. maj 2021. godine sa početkom u 14.00 sati.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-1106-8/21 od 12. maja 2021. godine i Izvještaju o radu Komisije sa Preporukom broj: 149-15-4-1106-9/21 od 12. maja 2021. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 (deset) dana od dana prijema ove odluke.


GUVERNER
dr. Senad Softić
dr. Senad Softić

Dostaviti:

- učesnicima u postupku
- guverneru
- viceguvernerima
- uredu glavnog internog revizora
- komisiji za nabavku
- Odjeljenju za računovodstvo i finansije (original)
- Odjeljenju za informacione tehnologije
- Odjeljenju za javne nabavke (original)
- u spis predmeta (original)
- arhiva